



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

15 Maji. Idibus Maji.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

442 ANNI CÆLESTIS

ex optimis effecisti : cui misericordiam petenti, adolescens pulcherrimus Jesus, coronâ spineâ redimitus, inter Angelos apparuit, qui dicebant : *Quoniam misericordiam petisti, ecce ipse est misericordia Deus gloria Jesus Christus.* postea somniculique paritate, orandi, ac jejunandi assiduitate, lacrymis, Angelicis visis, multorum conversionibus, relatis de diabolo victoriis, obtentâ divinitus linguarum notitiâ, laboribus, lætâ morte, mirabilis, amabilis.

OMNES SANCTI, &c.

pag. 320.

S. MARIA Major, cujus nomine S. Pomponius hodiernus, Neapoli, templum extruxit. Ora pro me; ut ne destruiam, quod in me, per te, adificat Deus! ut sim templum tuum, in quo sint tui oculi, nomen, & cor!

15 Maji. Idibus Maji.

SAncta Dymna, Virgo regia, quæ promissum, erigendum tibi è candido marmore, templum, statuatam auream, divinos honores, pro Christo contempsisti; ut Christiana maneres, & Virgo: ideoque paternâ manu, & gladio cecidisti.

Virgi-

Virgineum verò tuum cadaver, intactum à feris, & avibus, stupendis miraculis celebre, postea in fabricato ab Angelis candidissimo sarcophago, ab ipsis Angelis cõditum est; & repertus rubeus lapillus tuo in pectore, cui Angelus tuum, *Dympna*, nomen in sculpserat. O age, ut semper, unà tecum, mortem potius eligam, quàm quodlibet peccatum! Age, ut ita hîc mihi sit cordi Deus, ut moriens me in Dei pectore scriptum reperiam. Amen.

Sancti Torquate, Ctesiphon, Secunde, Indaleti, Cæcili, Hesychi, & Euphrasi, Episcopi.

S. Mancii Martyr.

B. Isidore M. de cujus, in quem conjectus es, puteo potati infirmi, sanati sunt.

S. Petre, Andrea, Paule, & Dionysia, Martyres.

S. Simplicii Ep. M. lanceâ perforasse.

Sancti Cassi, Victorine, Maxime, & focii Martyres.

S. Roberte, è Lotharingiæ Principibus nate Dux, qui duodecim annos natus, à cælesti quodam sene, in loco amœno lotus, hæc audisti: *Scalam in calum tibi parabis, ubi socius Angelorum eris*; idemque te ad mi-

sericordiam hortatus , trigesimo ante mortem die, viginti annos natum sic est allocutus: *Ego te ad gloriam infinita beatitudinis voco. ad quam abiisti felix ; quia (ut de te B. Hildegardis in Vitâ tuâ scripsit) quicquid de inspirationibus Spiritus sancti accepisti, ipso adjuvante, festinanter complexisti. Impetra mihi, per illum Spiritum sanctum te rogo, qui tibi loquebatur, ut inspirationes bonas omnes agnoscam, iis obediam, & sic scalam in cælum mihi parem, ad gloriam beatitudinis infinitæ.*

B. Jacobe Philippe, optimæ ac maximæ Dominæ serve sancte, qui per assiduam carnis afflictationem & orationem, per quotidianam peccatorum confessionem, Dominæ tuæ, ac meæ, serviens, ridere nunquam, lacrymari autem inter sacrificandum semper, notatus es. Doce me sic colere Deum in Dei Matre.

OMNES SANCTI, &c.
pag. 320.

S. MARIA, cui hanc diem dicantur Maronita, illam Festum Genitricis Dei MARIÆ vocant. Sim ego festum tuum, laus tua, & undequaque, cum omnibus diebus & horis meis, dicatur

*dicatus tibi ; ut dies mortis mea sit sol-
ennitas exhibita mihi misericordia
tua !*

16 Maji. 17 Kal. Maji.

SAncte Ubalde Episc. qui curatis
duobus cæcis, tertio, ut cæcita-
tem mallet, ne oculorum lumen
cordi tenebras faceret, persuasisti;
hostes Cruce abegisti, & cives sedâ-
sti; qui fracto semel brachio, & bis
cruce, patientissimus; inimico, pro
vinctâ osculum pacis dedisti. O
magne puritatis tuæ vindex; maxi-
me ac potentissime, contra spiritus
immundos, Dei sacerdos: impetra
mihi, & nunc, & in agone meo,
verum cordis lumen, &, contra
omnes impuros spiritus, constans
cor; ut illud, & vivens, & moriens,
unicus possideat Deus meus. A-
men.

SS. Aquiline, & Victoriane, MM.

S. Peregrine Ep. doctrinâ, mira-
culis, animarum lucris, superatis
blanditiis, ac tormentis, capitis
obtruncatione, gloriose Martyr.

SS. Felix, & Gennadi, Marty-
res.

Omnes sancti monachi Martyres
Palæstini.